

四庫全書

集部

欽定四庫全書

集部

東雅堂昌黎集註卷

二十八至  
三十

詳校官通政使<sup>臣</sup>夢吉

檢討<sup>臣</sup>何思鈞覆勘

總校官檢討<sup>臣</sup>何思鈞

校對官編修<sup>臣</sup>勵守謙

謄錄監生<sup>臣</sup>呂長生

欽定四庫全書

東雅堂昌黎集註卷二十八

碑誌

曹成王碑

曹成王碑造語法子雲也退之性不喜書然嘗云凡為文辭宜畧識字如

此碑中用劍鏐鐫撤撤投筴趾等字是也

王姓李氏諱臯字子蘭謚曰成其先王明以太宗子國

曹絕復封傳五王至成王

永隆元年十月明生與太子賢通謀降封零陵王徙黔州

都督謝祐逼殺之二子俊綱王南州別駕榮為黎國公  
垂拱四年並遇害神龍初以傑子膺為嗣曹王後備自

南還詔停肩封而封備備卒開元十二年復封肩成  
卒子戢嗣位左衛率府中郎將子皐嗣是為成王

王嗣封在玄宗世蓋於時年十七八紹爵三年而河南

北兵作天下震擾王奉母太妃逃禍民伍得間走蜀從

天子或無得字或無蜀從二字天子念之自都水使者拜左領軍衛

將軍衛下或有大有字轉貳國子秘書自都水監使者三遷至秘書少監王生十

年而失先王開元二十一年父戢卒哭泣哀悲帑客不忍聞喪除

痛刮磨豪習痛下或有自字委已於學稍長重知人情急世之

要耻一不通侍太妃從天子于蜀既孝既忠持官持身

內外斬斬

持身或作將身斬  
斬或作漸漸非是

由是朝廷滋欲試之於民

上元元年除温州長史行刺史事江東新剗於兵

謂為兵所

剗剗也  
剗空胡切

郡早饑民交走死無弔

交或作皆  
人語多用交字

今按唐

宣公奏議云交駭物聽交下不  
存濟者之類意猶曰即今云尔

王及州不解衣下令

鎖擴門

括音剖擴告  
莫切擴一作擴

悉棄倉實與民活數十萬人

下活

或有者字  
或無十字

奏報升秩少府

或無報字府下或有監字時  
大饑有官粟數十萬斛舉欲

行賑救拯史叩頭乞候上旨  
暇稟命若我一身活數千人命利莫大焉於是開倉盡

散之以贖貸之罪飛章自劾  
子嘉之答以優詔就加少府監

與平表賊

實應元年八月台州人袁

晁反詔河南道副元帥李光弼討之四月晁  
卒與及也易保辭其孰能與於此與音預仍徙秘書

兼州別駕部告無事

兼方作處云考舊傳合今按成  
王本以溫州長史行刺史事今兩

奏功而得處州別駕又不行州事則於地望事權皆為  
左降矣以事理推之不應如此疑方本誤而諸本作兼  
者為是蓋以舊官仍兼本州別駕以寵之尔下文又云  
部告無事則謂溫州前此早飢而今始無事也又云遷  
真于衡則是自行刺史事而為真刺史也其間不  
應復有處州一節明矣舊史亦承集誤不足為據遷真

于衡

真或  
作鎮

法成令修治出張施

或作  
弛

聲生勢長上  
聲觀察

使噓娼不能出氣

時辛京果為湖南觀察使  
噓烏結切娼音墨冒寐三音

誣以過

犯御史助之

助或  
作劾

貶潮州刺史楊炎起道州相德宗還

王于衡

或無于字大歷十二年四月貶吏部侍郎楊炎為道州司馬十四年五月德宗即位八月召炎

為相炎還

以直前謾或無前字王之遭誣在理念太妃老將

驚而戚

理或作治

出則囚服就辯入則擁笏垂魚坦坦施施

詩邱中有麻將其來施施注舒行也

即貶于潮以遷入賀及是然後跪謝

告實初觀察使虐使將國良往戍界

方云閭杭蜀本察使下有殘字而無

國字將國良王國良也馬大年所得柴氏善本無殘字良下有往字以虐字屬下句云良不願往而辛強使之也然按舊史云前使貪殘新史亦云前帥貪虐國良以富獲譴則馬說為非是國良只稱良猶南霽雲只稱雲李光顏只稱顏也下文亦可併攷今按文勢則馬說為是虐使亦古語新史所載疑亦以碑語料其如此耳

今从馬說但國良初見當全書二名其後乃良以武岡可單出如齊雲光顯亦先全書後乃單出也

叛戍衆萬人

作成

歛兵荆黔洪桂伐之二年尤張於是

以王帥湖南

建中元年四月以畢為湖南觀察使

將五萬士以討良為事

王至則屏兵投良以書中其忌諱良羞畏乞降狐鼠進

退

羞或作為狐鼠或作疑

王即假為使者從一騎蹕五百里

蹕

切教

抵良壁鞭其門大呼我曹王來受良降良今安在

良不得已錯愕迎拜

愕或作迂方云鼻韻愕逆各切相遇驚也或作通隸作逕後漢寒朗

傳二人錯愕不能對新舊史亦謂愕貽不敢動則此用愕字為正

盡降其軍太妃薨王



棄部隨喪之河南葬及荆被詔責還責或作違會梁崇義反

王遂不敢辭以還

建中二年臯丁母艱奉喪至江陵二月山南東道節度使梁崇義反乃授

臯起復左衛大將軍復還湖南

升秩散騎常侍

或無常侍字

明年李希烈反

或無李

遷御史大夫授節帥江西以討希烈

建中三年十月淮寧

軍節度使李希烈反以臯為

江西觀察使兼御史大夫

命至王出止外舍禁無以

家事關我裒兵大選江州羣能著職

江方作洪州或作南方云考新舊史

皆作洪

今按洪州即江西帥治所若只大選洪州乃

是未嘗出門一步無足書者選兵江州蓋為北向進討

之勢故其下文遂攻蘄州道里亦便史承集誤不足據

當從諸本作江為是不然則以州為南猶勝作洪州也

著直

# 王親教之搏力勾卒羸越之法

搏新書作團方  
作搏羸或作羸

畧切

方云樊澤之馬大年皆曰作羸非是羸謂秦也越謂勾  
踐伐吳之兵法也今按搏徒官切團也楚詞云團果  
搏兮古字通用而新書从今字也然秦紀越語世家皆  
無搏力勾卒之文不知諸家之說何所據唯蘇氏古史  
見之則恐或是反用此碑語也搏或疑是搏字亦未有  
據但搏力無理其誤無疑耳或疑杜牧之有以力搏力  
之語然杜牧出韓公不當用其語也今參考姚令威  
集註云商子康戰篇凡治國者患民之散不可搏也是  
以聖人作一以搏之又曰搏民力以待外事然後患可  
以去而王可致則搏力知其為秦法也左傳哀公十七  
年越子伐吳吳子禦之笠澤夾水而陣越子為左右勾  
卒杜預註云勾卒鉤伍相著別為左右屯則勾卒知其  
為越也

## 曹誅五畀

五或作伍畀或作畀方云曹五字見馬  
融廣成頌曹伍相保是也馬大年云曹

誅五界敗則誅及其曾有獲則分界其伍樊澤之云界  
凡數音如字賤也音脾饋也音婢使也音婢形下大也  
音斑水名或云音昇然集韻所無新書卑自將五百人  
教以秦兵團力法聯其賞罰弛張如一即約此碑語而  
為文

艦步二萬人

艦禦敵船釋名上  
下重板曰艦音檻

以與賊還

遇吾故切

見二十二卷  
祭張員外文

嘑鋒蔡山踣之

嘑謂一舉盡鬻禮記無嘑  
矣踣僵也時希烈兵柵廣

濟之蔡山不可攻鼻聲言西取蘄州引舟師汴流而上  
賊聞以羸師保柵急軍行江北與鼻直西去蔡山三百  
餘里鼻遠步士悉登舟順流而攻  
蔡山拔之嘑楚快切踣蒲墨切

剗蘄之黃梅

鼻既拔  
蔡山間

一日賊救至遂大敗乃取蘄州降將李良又攻黃  
梅殺賊將韓霜露黃梅蘄州縣名剗烏九切

大鞞

長平

縣說文云與也長平地  
名鞞如又切一音柔

鑠廣濟

說文鑠兩刃木柄  
可以刈草廣濟斬

州縣名

發音活切

掀斬春

掀舉也

斬春亦斬

掀音軒

掀斬水

掀擊也

選

掀波而濟

水斬水亦斬州縣名

掀普減切或誤作掀

撥黃岡

屬黃岡縣名

屬黃岡縣名

笑漢陽

笑著

笑著

笑著

笑著

笑著

笑著

也鉞箭具漢陽縣名屬汭

笑古業切又音夾

行趾

趾

趾

趾

趾

趾

趾

趾

趾

趾

縣名屬汭州今漢陽地汭水岐流也

趾音紫汭測駕切汭川一作汶水非是

還大膊

還

還

還

還

還

還

還

還

還

中或無中字左成二年殺而膊諸

城上註膊磔也音博又音柏

披安三縣

披

披

披

披

披

披

披

披

披

偽刺史

拔或作誅或作株馬本作誅左傳云又披其邑

安三縣

安

安

安

安

安

安

安

安

安

月鼻遣伊慎王愕將兵圍安州州城阻湏水為固攻之

累不下希烈遣甥劉戒虛以步騎八千援之鼻命李伯

潛分師迎擊于應山俘之遂

標光之北山

標

標

標

標

標

標

標

標

下安州斬其刺史王嘉祥

標

標

標

標

標

標

標

標

標

標

標

誤標 隨光化 二縣名並屬隋州 諸他合切 拈其

州 拈或作拈 廣成 頌散毛族 拈羽 羣李 十抽一推 後山

云唐令民二十成丁以下為推 宋次道云推者推也 避

高宗諱而改耳 呂縉叔云推者推也 獨髻為推 蓋傳寫

誤耳 唐人初不諱嫌名也 陳以呂說為是 按史記漢書

陸賈傳有魁結字 註讀為推 髻故唐令以推為未冠之

稱此云十抽一推者 十推而取其一以為兵 即杜詩所

謂無丁而選中男者也 然唐志但云十六為中而無推

字會要亦然 救兵州東北屬鄉還開軍受降 屬或作屬

未詳其說 大小之戰三十有二 取五州十九縣 今按屬

鄉當屬亳州 去安 大小之戰三十有二 取五州十九縣

州尚遠 當作屬 五州謂新黃安沔隋也 舊史云凡下州四縣十七 按地

理志 斷四縣安六縣 黃三縣 隋四縣 凡十七縣 傳止書

其取蕪安黃隋故云四州十七縣公又書沔州漢陽漢川二縣故云五州十九縣縣下一有之字民老

幼婦女不驚市買不變民下或有之字田之果穀下無一跡加

銀青光祿大夫工部尚書改戶部再換節臨荆及襄貞元

元年四月以皋為荆南節度使三年閏五月以皋為襄州刺史山南東道節度使真食三百王

之在兵天子西巡于梁興元元年二月車駕幸梁州希烈北取汴鄭

建中四年十二月希烈陷汴州東略宋圍陳西取汝薄東都薄或作毫非是王

坐南方北向落其角距賊死咋不能入寸尺亡將卒十

萬盡輸其南州亡或作土非是咋仄革切聲大也王始政於溫終政於

襄恒平物估賤歛貴出民用有經一吏軌民使令家聽

戶視姦宄無所宿

一吏方从杭蜀本作吏一云一當如壹民而重威之壹吏一軌民用吉日

辰良體也使令疑行一字宿上或無所字非是今按方說一字是也但因沈存中說吉日辰良一句遂更不問是非每有訛舛悉以遷就如此以一吏為吏一則無理之尤耳宄或作冗府中不聞急步

疾呼治民用兵各有條次世傳為法任馬彛將慎將鍰

將潛偕盡其力能

任至潛九字或作任馬彛伊慎王鈞將方云潛李伯潛也時馬彛掌幕府

故不言將今從之偕盡其力能一作偕能盡其功偕上或有王字其力方作力其非是今按能字合在盡字

上薨贈右僕射

貞元八年三月辛贈右僕射

元和初以子道古在朝

更贈太子太師道古進士司門郎

貞元五年道古登第憲宗即位以道古為

司門員外郎進士上或有中字下或有第選字

刺利隨唐睦徵為少宗正兼御

史中丞以節督黔中

元和八年十月自宗正卿除御史中丞充黔中觀察使

朝京

師改命觀察鄂岳蘄沔安黃

元和十一年道古自黔中朝京師以為六州都團練

觀察使

提其師以伐蔡且行泣曰先王討蔡實取沔蘄安

黃寄惠未亡

寄或作其

今余亦受命有事于蔡

受或作授

而四州

適在吾封

州或作邑四州謂沔蘄安黃

庶其有集先王薨於今二十

五年吾昆弟在

阜三子象古復古道古

而墓碑不刻無文其實有



待子無用辭乃序而詩之

詩或作請或無之字皆非是

辭曰

太支十三曹於弟季

弟或作第

或亡或微曹始就事

微或作徵二或

字並作既或無下一句曹始封於貞觀二十一年時

曹

之祖王畏塞絕遷

曹方作明宋景文云豈有為人作銘而名其祖者當作曹方云明坐太子

賢事降零陵王徙黔州都督謝祐逼殺之今按銘文四字未詳其義疑畏如畏厥溺之畏塞如其行塞之塞

言見殺於閉塞之中而封絕於遷謫之時也方說近是而別圖云明徙黔州都督則不知明但徙黔州而為都

督所殺遂誤以零王黎公不聞僅存

按新史明子俊嗣王保黎國公皆為

武后所殺子父易封三王守名

按史中宗神龍初以傑子肩為嗣曹王後明少子備自南

欽定四庫全書

東雅堂昌黎集註

八

還詔傳屑而封備備葬復封屑所謂子父易封也  
也屑葬子戡嗣自備至戡所謂三王守名也  
延延百

載以有成王成王之作一自其躬文被明章武薦峻功

蘇枯弱彊齟其姦猖蘇枯弱彊或作吹枯蘇以報于宗

以昭于王或無此王亦有子或云語下脫一句按公為

齋王仲舒碑可見今按劉碑脫句前已論之不可為

法王碑雖可為例然彼文從韻協無可疑者而此篇下

文亦不可曉不處王之所唯舊之視蹶蹶陞陞  
知其果然否耳衛切詩

良士蹶蹶下陞字方作陞云陞陞猶階而升也今按

方說無理作陞陞則韻協故且从之然其義亦不可曉

大抵此篇多不實取實似刻詩其碑為示無止

可曉今姑闕之

息國夫人墓誌銘

其曰葬河南河陽以其事乞銘於其鄰韓愈則李樂實河

南人耳  
樂無傳

貞元十五年靈州節度使御史大夫李公諱樂

貞元九年十二月

月靈州節度使杜希全卒十年正月以本軍行軍司馬李樂為留後十一年五月以樂為節度使

守邊

有勞詔曰樂妻何氏可封息國夫人元和二年李公入

為戶部尚書薨夫人遂專家政公之男五人女二人而

何氏出者二男一女夫人教養嫁娶如一雖門內親戚

不覺有纖毫薄厚御僮使

僮下或有僕字非是

治居第生產皆有

條序居卑尊間

卑尊或作尊卑

無不順適命服在躬承祀孔時

年若干元和七年甲子日南至以疾卒明年八月庚寅

葬河南河陽夫人曾祖某綏州刺史祖某潞州別駕父

某晉州錄事參軍二男勘左威衛倉曹參軍

倉或作曹

成左

清道率府錄事參軍戡強以肅成敏以和

或戡或戡下八字

女子

嫁興元參軍鄭博古將葬戡與成以其事乞銘於其鄰

韓愈愈乃為銘曰

男主外事治不為易

主或作女非是

施於其家難甚吏治

難治或作

甚難非是

又況公侯族大而貴夫人是專厥聲惟懿昔在貞

元有錫自天

錫或作息方云監以國封言之非也

啟封備服以疇時勲

時或

作

婉婉夫人有籍宮門克承其後以嫁以婚隨葬東土

在河之陽遙望公墳而不同藏

試大理評事王君墓誌銘

王荆公云退之善為銘如王適張徹銘尤奇也

君諱適姓王氏好讀書懷奇負氣不肯隨人後舉選見

功業有道路可指取有名節可以戾契致

取下有字或作而或本無

之戾力結切契詰結切字本作異通俗文云真多節目謂之真真方言作謨謨賈誼傳真謨亡節今按取

欽定四庫全書

東雅堂昌黎集註

十

下有字當屬上句言功業可指取而有之困於無資地名節可以成契而致之也不然則當作而

不能自出乃以干諸公貴人借助聲勢諸公貴人既志

得皆樂熟軟媚耳目者不喜聞生語一見輒戒門以絕

門下或無以字上初即位謂憲宗以四科募天下士元和元年四月試博通墳

典達於教化科才識兼茂明於體用科達於吏理可使從政科軍謀宏遠堪任將帥科君笑曰此

非吾時邪即提所作書緣道歌吟趨直言試既至對語

驚人中第益困久之聞金吾李將軍年少喜士可撼

李惟簡憲宗時為金吾衛大將軍年少乃踏門告曰或踏

上或有惟簡字或無年字士或作事

作踏

天下奇男子王適願見將軍白事一見語合意往來

門下盧從史既節度昭義軍張甚

張去聲

奴視法度士欲

聞無顧忌大語有以君生平告者即遣客鉤致君曰狂子不足以共事立謝客李將軍由是待益厚奏為其衛

曹參軍充引駕仗判官盡用其言將軍遷帥鳳翔

元和

六年五月以惟簡為鳳翔隴州節度使

君隨往改試大理評事攝監察御

史觀察判官櫛垢爬痒民獲蘇醒居歲餘如有所不樂

一旦載妻子入閩鄉南山不顧

弘農胡縣有閩鄉汝南西平有閩亭前漢以胡

闕鄉邪里聚為戾園注云闕字本從吳其後轉訛誤作門中受耳

闕音聞

中書舍人王涯

獨孤郁吏部郎中張惟素比部郎中韓愈

比上或有太史字

日

發書問訊顧不可強起不即薦明年九月疾病興醫京

師

或無疾字

其月某日卒年四十四十一月某日即葬京城

西南長安縣界中曾祖爽洪州武寧令祖微右衛騎曹

參軍父嵩蘇州崑山丞妻上谷侯氏處士高女

或無高女二字

非是

今按侯高

事見李翱文集

高固奇士自方阿衡太師世莫能用

吾言再試吏再怒去發狂投江水初處士將嫁其女憊



曰吾以齟齬窮

下或有一  
痺字

一女憐之必嫁官人不以與凡

子君曰吾求婦氏久矣唯此翁可人意且聞其女賢不

可以失即謾謂媒姬吾明經及第且選即官人侯翁女

幸嫁若能令翁許我請進百金為姬謝諾許白翁

諾許  
或作

諾許翁曰誠官人邪取文書來君計窮吐實姬曰無苦翁

大人不疑人欺

大或  
作丈

我得一卷書粗若告身者我袖以

往翁見未必取眎幸而聽我行其謀

行或  
作施

翁望見文書

銜袖

或作  
軸

果信不疑曰足矣以女與王氏生三子一男

二女男三歲夭死女嫁亳州永城尉姚挺其季始十歲

銘曰

鼎也不可以柱車馬也不可使守閭

淮南子柱不可以持

屋馬不可以服重牛不可以追遠公取此意

佩玉長裾

長或作曳不利走趨祇繫

其逢不繫巧愚不諧其須

或作願非是

有銜不祛鑽石埋辭

以列幽墟

扶風郡夫人墓誌銘

夫人馬暢之妻

夫人姓盧氏范陽人亳州城父丞序之孫吉州刺史徹

之女嫁扶風馬氏為司徒侍中莊武公之冢婦

馬遂字洵美貞

元三年拜司徒侍中十一年薨贈太傅謚莊武

少府監西平郡王贈工部尚書

之夫人

遂二子秉暢暢元和五年終少府監贈工部尚書

初司徒與其配陳國

夫人元氏惟宗廟之尊重繼序之不易

序或作緒

賢其子之

才求婦之可與齊者內外親咸曰

親下有戚字

盧某舊門承

守不失其初其子女聞教訓有幽閒之德為公子擇婦

宜莫如盧氏媒者曰然卜者曰祥夫人適年若干

或作十四

入門而媼御皆喜既饋而公姑交賀克受成福母有多

子為婦為母莫不法式天資仁恕左右滕侍常蒙假與  
顏色人人莫不自在杖婢使數未嘗過二三雖有不懌  
雖下或無有字未嘗見聲氣元和五年尚書薨夫人哭泣成疾

後二年亦薨年四十有六九年正月癸酉祔于其夫之

封長子殿中丞繼祖孝友以類

子下諸本有教字或作穀或作教

繼祖殿中丞孝友嗣類本或孝友上有承考二字方云此碑謂少府監者馬暢也暢子繼祖公嘗誌其墓新舊傳暢只有此一子世系表燧之子彙暢彙子教數暢子亦只有繼祖宜繼祖先名教邪或教字當刪今按馬少監墓誌云君諱繼祖則方說得之仍當更从晁本刪教字但以其兄弟連名考之則又疑作教為是而其下

或有承考二字者乃言教能繼北平承少傳而孝友似之也少監志云諱繼祖或是反用此志誤本補足而世系表又承集誤然不可考姑从

葬有日言曰吾父友惟

韓丈人視諸孤其往乞銘以其狀來愈讀曰嘗聞乃公言然吾宜銘銘曰

陰幽坤從維德之恒

胡登切

出為辨強乃匪婦能淑哉夫

人夙有多譽來嬪大家不介母父

或作父母

有事賓祭酒食

祇飭協于尊章畏我侍側

章或作卑漢廣川王傳背尊章顏注猶言舅姑也作卑非

是畏我侍側此句未詳畏我或作我之亦未安或疑畏當作慰

及嗣內事亦莫有施齊

其躬心小大順之夫先其歸其室有邱

夫先其歸或作不失其歸或作

夫其先歸 今按下文有合葬字作夫先為是其室或作有室

合葬有銘壺彝是收

壺

皆本切宮中道

詩室家之壺

### 殿中侍御史李君墓誌銘

殿中侍御史李君名虛中字常容其十一世祖冲貴顯

拓拔世

舊注云據元和姓纂虛中乃冲八世孫

父憚河南溫縣尉娶陳留

太守薛江童女生六子君最後生愛於其父母年少長

少或作以或無少字

喜學學無所不通最深於五行書

今世有李虛中命書

以人之始生年月日所直日辰支干相生勝衰死王相

或作相王並去聲讀

斟酌推人壽夭貴賤利不利輒先處其年時

百不失一二其說汪洋奧美

或作義

關節開解萬端千緒

參錯重出學者就傳其法初若可取卒然失之

忽切

星官厯翁莫能與其校得失進士及第

貞元十一年虛中登第

試

書判入等補祕書正字

祕書下或有省字

母喪去官卒喪選補

太子校書河南尹奏疏授伊闕尉佐水陸運事

貞元十六年九

月以張式為河南尹水陸轉運使奏虛中為佐

故宰相鄭公餘慶繼尹河南以

公為運佐如初

元和元年十一月以故相鄭餘慶代式

宰相武公元衡之

出劔南

武元和二年十月以宰相為西川節度使

奏奪為觀察推官授監

察御史

今諸葛武侯碑陰元和四年二月二十九日題名有觀察使推官監察御史裴行李虛中在焉

其碑裴度時為元衡書記所作

未幾御史臺疏言行能高不宜用外府

即詔為真御史半歲分部東都臺遷殿中侍御史元和

八年四月詔徵既至宰相欲白以為起居舍人經一月

疽發背六月乙酉卒年五十二其年十月戊申葬河南

洛陽縣距其祖澠池令府君僑墓十里

澠池縣名史記秦王與趙王飲



于澠池  
澠音泯

君昆弟六人先君而歿者四人其一人嘗為

鄭之滎澤尉

嘗或作常非是

信道士長生不死之說既去官絕

不營人事故四門之寡妻孤孩與滎澤之妻子衣食百

須皆由君出自初為伊闕尉佐河南水陸運使換兩使

經七年不去所以為供給教養者及由蜀來輩類御史

皆樂在朝廷進取君獨念寡稚求分司東出嗚呼其仁

哉君亦好道士說於蜀得秘方能以水銀為黃金服之

冀果不死將疾謂其友衛中行大受韓愈退之

謂或作為非是

曰吾夢大山裂流出赤黃物如金左人曰是所謂大還

者今三矣

三下或有年字

君既歿愈追占其夢曰山者艮艮為

背裂而流赤黃疽象也大還者大歸也其告之矣妻范

陽盧氏鄭滑節度使兼御史大夫羣之女

羣字戴初范陽人貞元十

六年四月為義成節度使

與君合德親戚無退一言

退一或作一退或疑無字在退

下男三人長曰初協律

或無協字或疑律下有郎字

次曰彪其幼曰

還適三歲女子九人銘曰

不羸其躬以尚其後人

羸或作羸獨孤郁墓銘曰年再不羸惟後之成義同此也

欽定四庫全書

東雅堂昌黎集註卷二十九

碑誌

唐故朝散大夫商州刺史除名徙封州董府君

墓誌銘

董溪即晉之子也史附晉傳謂討王承宗為行營糧料使坐盜軍資流封州至

長沙賜死誌不詳其事止曰死湘中諱之也公詩有送董溪塔陸暢云我實門下士力薄蚋與蚊受恩不即報永負湘中墳謂溪流封州死湘中也公嘗佐董晉幕中觀其銘辭意在言外既微而顯誠太史氏之筆哉

公諱溪字惟深丞相贈太師隴西恭惠公第二子

隴西公董

晉也生四子全道全浚全素全澥溪即全浚也

十九歲明兩經獲第有司沈厚

精敏未嘗有子弟之過賓接門下推舉人士侍側無虛

口退而見其人淡若與之無情者太師賢而愛之父子

間自為知己諸子雖賢莫敢望之太師累踐大官

大或作久非是

臻宰相致平治終始以禮號稱名臣晨昏之助蓋有賴

云太師之平汴州

師下或無之字

年考益高挈持維綱鋤削荒

類

類絲節淮南子明月之珠不能無類音未類或作頑

納之太和而已其囊筐

細碎無遺漏繫公之功上介尚書左僕射陸公長源

長源

字泳之是歲八月自前汝州刺史為宣武行軍司馬齒差太師標望絕人聞其所

為每稱舉以戒其子楊凝孟叔度以材德顯名朝廷

或作

於及來佐幕府

佐或作往凝自左司郎中為檢校吏部郎中觀察判官叔度自殿中侍御史為

檢校金部員外郎度支判官詣門請交屏所挾為

或作屏棄所挾太師薨

貞元

十五年二月晉卒始以秘書郎選參軍京兆府法曹

選或作遷日伏

階下與大尹爭是非大尹屢黜已見

大或並作太歲中奏為

司錄參軍與一府政

音預與以能拜尚書度支員外郎遷

倉部郎中萬年令兵誅恒州

成德軍也

改度支郎中攝御史

中丞為糧料使

元和四年十月以神策軍中尉吐突承珪為鎮州行營招討處置使征王承宗

以溪及于準謨為東道行營糧料使

兵罷

元和五年七月赦承宗

遷商州刺史糧料

吏有忿爭相牽告者事及於公因徵下御史獄

因方作顯云漢

韓安國傳由此顯結於漢當用此義此召對獄耳與方所引者不類當只作因

今按

公不與吏

辨一皆引伏受垢除名徙封州元和六年五月十二日

死湘中年四十九

州下方本無年月日但於湘中下云年若干今以晁本定按唐書元和七年

年立遂王為太子亦與下文相應二年糧料吏有忿爭相告言五月溪準謨皆坐贓數千緡勅貸死流準謨春

州溪封州行至潭州並遣中使賜死權德輿傳亦云董  
溪于率謨以運糧使盜糧料流崩南憲宗悔其輕詔中  
使半道殺之明年立皇太子有赦令許歸葬元和七年七月

子大赦

其子居中始奉喪歸元和八年十一月甲寅葬

天下

于河南河南縣萬安山下太師墓左夫人鄭氏祔公凡

再娶皆鄭氏女生六子四男二女長曰全正慧而早死

次曰居中好學善為詩張籍稱之次曰從直

下或有次字

曰

居敬尚小長女嫁吳郡陸暢其季女後夫人之子公之

母弟全素孝慈友弟公坐事棄同官令歸公歿比葬三

年哭泣如始喪者大臣高其行白為太子舍人將葬

將葬

下方有中字云以上文考之無者為是然世系表全素太子中書舍人通作中舍一云中書舍人又安知全素

不自舍人遷中舍邪今按中字有則前後皆當有無則皆當無不應前無而後有也審如方說此志亦必是

未遑時作况它本自有無中字者今姑从之不必曲為之說也舍人與其季弟澣問銘

於太史氏韓愈

元和八年正月公為此部郎中史館修撰

愈則為之銘辭曰

物以久弊或以輾毀

音輾輾

考致要歸孰有彼此由我者

吾不我者天斯而以然其誰使然

貞曜先生墓誌銘

先生孟郊也湖州武康人以詩名康人謂孟詩韓筆故公



誌及銘皆  
以詩稱之

唐元和九年歲在甲午八月己亥

已或作乙考唐歷貞  
是月無乙亥也

曜先生孟氏卒無子其配鄭氏以告愈走位哭

走或作  
赴位或

作泣且召張籍會哭明日使以錢如東都供葬事諸嘗與

往來者咸來哭弔

嘗或  
作常

韓氏遂以書告興元尹故相餘

慶

元和元年三月以故相鄭  
餘慶為山南西道節度使

閏月

是歲閏  
八月

樊宗師使來

弔告葬期

時宗師自太子舍  
人持母喪在東都徵銘

下或有  
於愈字

愈哭曰嗚呼

吾尚忍銘吾友也夫興元人以幣如孟氏賻

人或  
作尹且來

商家事

家事謂孟郊家事公集有與鄭餘慶書云再奉示問皆緣孟家事又云樊宗師在東都經營孟

家事不啻如已其言大抵與此誌合

樊子使來速銘曰不則無以掩諸幽

乃序而銘之先生諱郊字東野父庭玠

音彬

娶裴氏女而

選為崑山尉生先生及二季鄴郢而卒先生生六七年

天寶十年郊生

端序則見長而愈騫

則見或作有法

涵而揉之

或作足內

外完好色夷氣清可畏而親及其為詩劇目鉢心

劇利傷也

荀子不苟篇廉而不劇鉢長針也說文蔡鍼也劇居銜切鉢時槁切

刃迎縷解

刃或作物鉤

章棘句招擢胃腎

胃腎或作皆盡

拍音泊拍

神施鬼

館也廣韻引周書

師乃拍館

設閒見層出唯其大翫於詞而與世抹撇

或作採撇从閤杭南唐本

云字林抹撇掃滅也漢谷永傳末殺災異

人皆劫劫我獨有餘有以後時開

先生者曰

開或作開

吾既擠而與之矣

擠或作擠

其猶足存邪年

幾五十始以尊夫人之命來集京師從進士試既得即

去

貞元十二年呂渭知舉鄧登第年五十四

間四年又命來選為漂陽尉

又下

或有以字

迎侍漂上

漂陽有投金灘平陵城林薄蒙翳下有積水鄧閭往坐水旁裴回賦

詩而曹務多廢令白府

去尉二年而故相鄭公尹河南

奏為水陸運從事

陸下或有轉字元和元年十一月以鄭餘慶為河南尹水陸轉運使李翱

分司洛中與鄧善薦之餘慶以為判官試協律郎親拜其母於門內或無內字

母卒五年而鄭公以節領興元軍元和九年三月以餘慶為興元尹秦

為其軍參謀試大理評事挈其妻行之興元或無之次興元字

于闐鄉闐音聞詳見前卷大理評事王君墓誌暴疾卒年六十四買棺以

歛以二人輿歸鄧郢皆在江南鄧郢家湖州武康縣湖屬江南十月庚

申樊子合凡贈賻而葬之洛陽東其先人墓左樊子樊宗師

以餘財附其家而供祀或無而供祀字有以俟字將葬張

籍曰先生揭德振華於古有光或無古字賢者故事有易

名況士哉

杭本無賢者下十字

如曰貞曜先生則姓名字行有載

不待講說而明

待或作從非是

皆曰然遂用之初先生所與俱

學同姓簡

簡字幾道

於世次為叔父由給事中觀察浙東

元和

九年九月簡自給事中為浙東觀察使

曰生吾不能舉死吾知恤其家銘

曰

於戲貞曜維執不倚維出不訾

或無戲字執或作持或無維執不倚一句或此

句在維出不訾之下訾凡數義集韻云思也毀也思不稱意也惟前漢書營讀與贊同顏師古注多財也若曰不贊則貧也倚亦二義詩邠云倚歟歎辭也節南山云有寔其倚鄭氏注倚也若曰不倚則無所倚也東野以

貧出仕而中立不倚卒至於無所施為止用昌其詩銘意如是而已維卒不施以昌其詩蘇瞻嘗舉此以問王定國當昌其身耶昌其詩也來詩下語不契作詩答之有云昌身如飽腹飽盡還腹飢昌詩如膏面為人作容姿不如昌其氣藟藟老不衰雖云老不衰却懷安所之不如昌其志志一氣自隨養之塞天地孟軻不吾欺公謂東野昌其詩而東坡乃云不如昌其志蓋蘇嘗讀東野詩有未足當韓豪之句不為所取也

唐故秘書少監贈絳州刺史獨孤府君墓誌銘

獨孤郁有傳  
事多出此誌

君諱郁字古風河南人  
陽人  
洛  
常州刺史贈禮部侍郎

憲公諱及之第二子

及字至之代宗時官常州刺史二子朗郁

憲公躬孝踐

行篤實而辨於文勸飭指誨以進後生

舊史公傳大厯貞元間文士多

尚古學致楊雄董仲舒之述作而獨泝及梁蕭景稱淵奧愈從其徒游銳意鑽仰欲自振於一代

名聲

垂延紹德惟克君生之年憲公歿世

大厯十二年四月二十九日卒年五

十三時郁始二歲

與其兄朗

朗即晦畜於伯父氏郁始生而孤與朗育於伯父汜

始微有知則好學問浴稟教飭不煩提諭月開日益卓

然早成年二十四登進士第

貞元十二年郁與朗同來舉進士時郁年二十四

年郁乃登第

時故相太常權公掌出詔文

時權德輿為中書舍人人知制誥

臨一時

望或作迎

登君於門歸以其子

歸或作妻

選投奉禮郎楊

於陵為華州署君鎮國軍判官奏授協律郎

晁本無奉禮至奏授

十八

朋遊益附華問彌大元和元年對詔策拜右拾遺

字元和元年四月應材識兼茂明於體用科中第三辛酉為右拾遺

二年兼職史館

兼史館修

撰

四年遷右補闕詔中貴人承瓘

七罪切

將兵誅王承宗

河北君奏疏諫召見問狀有言動聽其後上將有所相不可於衆君與起居舍人李約交章指摘事以不行五年遷起居郎為翰林學士愈被親信有所補助權公既



相君以嫌自列

元和五年九月德興同平章事  
郁以嫌自列守本官起居郎

改尚書

考功員外郎復史館職

郁以德興故辭翰苑憲宗曰德興乃有此佳壻因詔宰相高選

世族故杜琮尚岐陽公主然帝猶謂不如德興之  
得郁也因拜為考功員外郎充史館修撰判院事七年

以考功知制誥入謝因賜五品服八年遷駕部郎中職

如初權公去相復入翰林

元和八年德興罷相一  
月復以郁為翰林學士九年

以疾罷尋遷秘書少監

元和九年以疾辭內  
職十月改秘書少監即閑于郊

謂屏居鄠縣閑  
下或有居字

十年正月病遂殆甲午興歸卒於其家

贈絳州刺史

晁本有上五字本或繫  
於年四十下方並無

年四十男子二人

長曰某早死次曰天官始十歲

傳云子庠字翳府喪父始十歲此云天官豈小

字耶

有至性聞呼父官與聞弔客至輒號泣以絕女子一

人夫人天水權氏贈太子太保貞孝公率之承孫

承孫字未

詳

故相今太常德興之女屑慶配良是似是宜

是似方作是以

今按是似是宜祿上句言屑慶而似配良而宜也方似作以非是

四月己酉其兄右拾

遺朗以喪東葬河南壽安之甘泉鄉家塋憲公墓側家或

作冢將以五月壬申窆

彼驗切

謂愈曰子知吾弟久

知或作與久或

作反敢屬以銘銘曰

於右風襍順而裏方

詩緇衣朱襍謂衣領之在外者於下或有乎字今按上篇四言不

應首句為三字句也

三字此乃離言或有此襍布谷切又音博

不耀其章其剛不傷

戴美世令

戴或作載今或作命言戴前人之美而世其令德也

而年再不羸

惟後之成

唐故虞部員外郎張府君墓誌銘

張府君卒葬之年月日誌

皆不書以公祭文考之公時在京師以考公郎知制誥季友歸葬長安公於是乎祭之且誌其墓時元

和十年也

尚書虞部員外郎安定張君諱季友字孝權年五十四

病卒東都明年

明下或無年字或作月

兄子塗與其弟庾揆等

庾揆

或作庾揆

護柩歸葬長安縣馬額原夫人北海唐氏之封前

事塗進韓氏門伏哭庭下曰

或無叔父且死幾於不能

言矣張目而言曰

張目方从杭本無目字云後漢嚴光傳良久張目熟眊然此恐當从杭本

為正

今按方知古有張目字而必以杭本為正殊不可曉今从諸本

吾不可無告韓君

別藏而不得韓君記猶不葬也塗為書致吾意已而自

署其末與封敢告以請愈既與為禮發書云云其末有

複語千萬永訣八字

或無末有字

名日月與封

日月一作月日皆孝

權迹孝權與余同年進士

貞元八年中進上  
第八與公同年

其上有

罵者當宇文時為車騎大將軍鄜城太守卒葬河北謚

曰忠公至孝權間五世矣孝權大父諱孝先

或作奉先

太子

通事舍人父諱庭光贈綏州刺史綏州之卒

杭本史下  
無綏州字

非孝權蓋尚小母曰太原縣君卒

卒上或有複  
出縣君字

既葬孝

權守墓樹松栢三年而後歸選為河南府文學

或無  
府字

去

官徐州使拜章請為判官

貞元十六年六月以張建  
封之子愔為徐州團練使授

協律郎孝權始不痛絕詔下大悔即詐稱疾不言三年

元和初徐使死

元和元年十一月惜卒

孝權疾即日已試判入高

等授鄆縣尉

鄆古切

明年故相趙宗儒鎮荆南以孝權

為判官拜監察御史經二年拜真御史明年分司東臺

轉殿中

轉殿中侍御史

按皇甫氏子母病不侍走京師求試職

宰相怒曰吾故皇甫氏御史助所善相戲法侮我皇甫

媼何疾

媼母老稱也漢書常從王媼負賈酒

媼音襁

銜未決皇甫母病果死

得解遷留司虞部員外郎

謂分司東都也

孝權為人孝謹與人

語恐傷之而時嶷嶷有立

嶷魚切

與孝權游者極衆而

獨以其死累余可尚也已是为銘

此下或注銘亡二字或注疑闕銘詞字

唐故檢校尚書左僕射右龍武軍統軍劉公墓

誌銘

一本檢校上有金紫光祿大夫字僕射下有兼御史大夫字統軍下有知軍事上柱

國彭城郡開國公食邑二千戶贈潞州大都督字公既為劉統軍作此誌又為作碑銘碑

銘見前二十七卷

公諱昌裔字光後本彭城人曾大父諱承慶朔州刺史

大父巨敖好讀老子莊周書為太原晉陽令再世宦北

方宦或樂其土俗遂著籍太原之陽曲曰自我為此邑

作官

人可也何必彭城父訟

或作誦無理疑避

今按名訟

贈右散騎

常侍公少好學問始為兒時重遲不戲

遲音穉

恒若有所

思念計畫及壯自試以開吐蕃說于邊將不售入三蜀

從道士遊久之蜀人苦楊琳寇掠公單船往說琳感歎

雖不即降約其徒不得為虐

唐史昌裔傳云入蜀楊惠琳反昌裔說之惠琳之亂

在夏州歲月相遠惠琳事詳見崔寧傳

琳降公常隨琳不去琳死脫身亡

沈浮河朔之間建中中曲環招起之

按新傳曲環方攻濮州表為判官

為環檄李納

建中二年七月平盧淄青節度李正己卒子納自稱為留後

指摘切刻



納悔恐動心恒魏皆疑惑氣懈

恒謂成德節度使李惟岳魏謂魏博節度使田

悅環封奏其本德宗稱焉環之會下濮州戰白塔救寧

陵襄邑

二縣並屬宋州

擊李希烈陳州城下

興元元年閏十月李希烈遣將翟崇

暉悉衆圍陳州宋虔節度使劉洽遣隴右幽州節度使曲環將兵三萬救之十一月敗崇暉於州西擒之以獻

公常在軍間環領陳許軍公因為陳許從事以前後功

勞累遷檢校兵部郎中御史中丞營田副使吳少誠乘

環喪引兵叩城留後上官說咨公以城守

說或作況與舊史合所

以能擒誅叛將

擒或作擒以城降賊

昌喬密計斬之當作擒為抗

拒令敵人不得其便圍解拜陳州刺史韓全義敗引軍走陳州求入保公自城上揖謝全義曰公受命詣蔡何為來陳公無恐賊必不敢至我城下明日領騎步十餘抵全義營全義驚喜迎拜歎息殊不敢以不見舍望公改授陳許軍司馬上官說死拜金紫光祿大夫檢校工部尚書代說為節度使命界上吏不得犯蔡州人曰俱天子人奚為相傷少誠吏有來犯者捕得縛送曰妄稱彼人公宜自治之少誠慙其軍

公誌李邢亦曰尹慙其庭中人漢袁盎為吳相

告歸道逢丞相申屠嘉下車拜謁丞相從車上謝益亦還愧其吏公所謂慙其軍慙其度中人語出此耳

禁界上暴者兩界耕桑交跡吏不何問

何或作呵漢賈誼傳大譴大何

衛綰傳不孰何顏曰何即問也何上或有可字亦非是今按過秦論云陳利兵而誰何顏注云問之曰此為誰人何人封彭城郡開國公就拜尚書右僕射元和七

年得疾視政不時八年五月涌水出他界過其地防穿

不補沒邑屋流殺居人拜疏請去職即罪詔還京師

始昌

喬代說為節度也憲宗惡其自立欲召之而重生變宰相李吉甫曰陛下乘人心愁苦可召也遂以韓曄代之至長樂驛知帝意因稱風眩卧第即其日與使者俱西

歲中卒史與誌少異誌為之諱耶

大熱旦暮馳不息疾大發左右手轡止之公不肯曰吾恐不得生謝天子上益遣使者勞問勅無亟行至則不得朝矣天子以為恭即其家拜檢校左僕射右龍武軍

統軍知軍事十一月某甲子薨年六十二

某下或有上日字下同

為之一日不視朝贈潞州大都督命郎弔其家

郎下或有中字

明年某月某甲子葬河南某縣某鄉某原公不好音聲不大為居宅於諸帥中獨然夫人邠國夫人武功蘇氏子四人嗣子光祿主簿縱學於樊宗師士大夫多稱之

長子元一朴直忠厚便弓馬

便或作使非是

為淮南軍衙門將

次子景陽景長皆舉進士葬得日相與選使者哭拜階

上使來乞銘銘曰

提將之符尸我一方配古侯公維德不夷

楚辭厲而不夷些注楚人

謂羹敗曰夷我銘不亡後人之慶

慶讀若羌離騷云慶夭悴而喪榮沈存中

云古人諧聲如慶字多與章字協韻孝孫有慶萬壽無疆黍稷稻粱農夫之慶是也

集韻並入平聲

東雅堂昌黎集註卷二十九

欽定四庫全書

東雅堂昌黎集註卷三十

碑誌

唐故監察御史衛府君墓誌銘

其弟中行字大受貞元九年第

進士至是為兵部郎中元和十年也公此誌自與其弟中行別下至可餌以不死造語雄奇所謂唯陳言之務去者也

君諱某字某

或作諱之玄字造微

中書舍人御史中丞諱某之子

某或作晏

贈太子洗馬諱某之孫

某或作璿按元和姓纂晏三子長之玄次中立次中

行汪彥章云王仲位本謂北衛中家世習儒學詞章昆  
立墓誌中立字退之非之玄也

弟三人俱傳父祖業從進士舉君獨不與俗為事

不下或有

興字云讀去聲非是或疑此興字當作以更詳之

樂弛置自便

弛或作施

父中丞薨

既三年與其弟中行別曰若既克自敬勤及先人存趾

美進士

貞元九年  
中行登第

續聞成宗唯服任遂功為孝子在

怠我恨已不及假令今得不足自貴

或作貴作賈  
賈音射又音世

我

聞南方多水銀丹砂雜他奇藥燠為黃金

刀切燠於

可餌

以不死今於若丐我我即去遂踰嶺阨

阨於革切  
塞也一作泥南



出藥貴不可得以干容帥

貞元二十一年五月以房啟為容管經略使

帥且

曰若能從事於我可一日具許之得藥試如方不效曰

方良是我治之未至耳留三年藥終不能為黃金而佐

帥政成以功再遷監察御史帥遷于桂

元和八年四月以啟為桂管監

察從之帥坐事免

是歲七月啟以罪降為太僕少卿

君攝其治歷三時

夷人稱便新帥將奏功君捨去南海馬大夫使謂君曰

十二月以馬摠為嶺南節度使

幸尚可成兩濟其利君雖益厭然不能

無萬一與至南海未幾竟死年五十三子曰某

某或作景微

元和十年十二月某日歸葬河南某縣某鄉某村祔先

塋

某縣某鄉某村諸本作伊闕縣伊國鄉高都村

於時中行為尚書兵部郎

或無

於字郎下號名人而與余善請銘銘曰

嗟惟君篤所信

信音新漢武悼李夫人賦申以信兮班固通幽賦云苟無實其孰信

要

無有弊精神以棄餘賈於人

賈音古

脫外累自貴珍訊來

世述墓文

唐故河南令張君墓誌銘

貞元十九年公與張君同自監察御史以

言事黜張為郴州臨武公為連州陽山二年俱徙江陵至是張卒公既誌其墓又文以祭

且及銘墓之  
意可謂厚矣

君諱署字某河間人大父利貞有名玄宗世為御史中

丞舉彈無所避由是出為陳留守

本鄭所并陳之留邑秦并天下以宋亦有

留故加陳以別之

領河南道採訪處置使

開元二十二年十一月初置十道採訪處

使數歲卒官皇考諱郇以儒學進官至侍御史

郇或作詢君

才質有氣形貌魁碩長於文詞以進士舉博學宏詞為

校書郎

署貞元二年進士第

自京兆武功尉拜監察御史為幸臣

所讒

幸臣李實也

與同輩韓愈李方叔三人俱為縣令南方

時三人俱為監察御史貞元十九年冬三人皆以言事得罪敗為縣令詳見題注下二年逢恩俱

徙掾江陵

貞元二十一年正月順宗即位大赦張與公俱量移江陵

半歲邕管奏君

為判官

貞元二十一年八月路恕為容管經略使表署判官

改殿中侍御史不行

拜京兆府司錄

貞元二十一年十月李鄘為京兆尹表署為府司錄參軍

諸曹白事

不敢平面視共食公堂抑首促促就哺歔揖起趨去無

敢闌語

促促或作旦旦促如齷齷之促本或作姪姪闌或作間

縣令丞尉畏如嚴

京兆事以辦治

辦或作幹

京兆改鳳翔尹以節鎮京西

元和二年

二月以鄘為鳳翔尹鳳翔請與君俱改禮部員外郎為隴右節度使表署為判官

觀察使判官帥他遷

元和四年三月以廊為江東節度使

君不樂久去京

師謝歸用前能拜三原令歲餘遷尚書刑部員外郎守

法爭議棘棘不阿

諸本無議字及下棘字而云晁本校增此二字阿或作撓今按歐公嘗

疑此上有脫字不知晁氏以何本改虔州刺史民俗相校也詳其文理當有此字故从之

朋黨不訴殺牛

或無不訴字

牛以大耗又多捕生鳥雀魚鼈

可食與不可食相買賣時節脫放期為福祥君視事一

皆禁督立絕

祥下或有事字或無視事二字或但有事字

使通經史與諸生

之旁大郡

吏或作史

學鄉飲酒喪婚禮張施講說民吏觀聽

從化大喜度支符州折民戶租歲徵縣六千屯比郡承  
命惶怖立期日唯恐不及事被罪君獨疏言治迫嶺下  
民不識蠶桑月餘免符下民相扶攜守州門叫謹為賀  
改澧州刺史民稅出雜產物與錢尚書有經數觀察使  
牒州徵民錢倍經君曰刺史可為法

疑必有脫誤或為字當作守

不

可貪官害民留喋不肯從竟以代罷觀察使使劇吏案

簿書

史或作史

十日不得毫毛罪改河南令而河南尹適君

平生所不好者君年且老當日日拜走仰望堦下不得

已就官數月大不適即以病辭免公卿欲其一至京師

君以再不得意於守令恨曰義不可更辱又奚為於京

師間竟閉門死年六十

或無閉門二字

君娶河東柳氏女二子

昇奴胡師將以某年某月某日葬某所其兄將作少監

昔請銘於右庶子韓愈

昔或作者李邕赴襄陽送行詩有著作郎張昔

愈前與

君為御史被讒俱為縣令南方者也最為知君銘曰

誰之不如而不公卿奚養之違以不久生

以一唯其頽

頽

頽以世厥聲

鳳翔隴州節度使李公墓誌銘

一本上有唐故字度下有觀察使開

府義同三司檢校戶部尚書贈尚書左僕射字李惟簡父寶臣見藩鎮傳誌所載多與傳合

公諱惟簡

或作某

字某司空平章事贈太傅之子

太傅李賢臣本

范陽內屬奚族

太傅初姓張氏

故范陽張鎖高畜之為假子遂冒姓張名忠志

肅宗時

舉恒趙深冀易定六州戰卒五萬人馬五千匹以歸聽

命天子嘉之賜姓曰李更其名寶臣

名下或有曰字

立其軍號

之曰成德由是姓李氏

寶應元年十一月忠志以偽恒陽節度使挈其所管五州降于

河東節度使辛雲京以忠志為成德軍節度使仍統其所管州賜姓李名寶臣

太傅薨

建中二年正月



寶臣卒實臣三子惟公兄弟讓嗣實臣三子惟公竟棄其家自歸京

師及兄死家覆有司設防守惟岳叛惟簡以家僅粟士

年閏正月成德兵馬使王武俊殺惟岳傳德宗如奉天

守卒出公即馳歸與母韓國夫人鄭氏拜訣屬家徒隨

走所幸道與賊遇七鬪乃至建中四年十月德宗幸奉

曰爾父立功河朔位宰相身未嘗至京師兄死於人手

爾入朝未識天子不能效忠吾不子汝矣督其行曰兒

能死王事吾不朽矣乃斬有功遷太子諭德加御史中

開出道更七戰得及行在丞帝見惟簡厚撫之拜太子諭德累遷禁軍將從幸梁

州天黑失道識焦中人聲得見德宗於盤屋西

盤屋雍縣名屬

鳳翔 盤音轉屋音室義見二十五卷興元少尹墓誌銘

上曰卿有母可隨我耶或可

作何曰臣以死從衛及幸還錄功封武安郡王

或作公考之史當作

王號元從功臣

四月詔奉天隨從將士並賜號元從功臣

圖其形御閣而以

神威將軍居北軍衛

遷左神威衛大將軍

久乃加御史

大夫丁韓國憂去官累遷神威大將軍加工刑二曹尚

書天威統軍又改戶部尚書金吾大將軍

元和初檢校戶部尚書改

為左金吾衛大將軍充街使

有長上萬國俊者

上或作尚新史蜀本今按長上蓋

衛卒之號猶令言以軍勢奪興平人地吏憚莫敢治及  
長入也當从蜀本

公為金吾興平人曰久聞李將軍為人公平庶能直吾  
屈卽齋縣牒來見公發視立柱國俊廢之以地還興平  
人聞者莫不稱歎於是天子以公材果可任用治人將  
兵無所不宜元和六年卽以公為鳳翔隴州節度使戶  
部尚書兼鳳翔尹五月以惟簡為鳳翔尹鳳翔隴州節度使隴州地與吐蕃  
接舊常朝夕相伺更入攻抄人吏不得息公以為國家  
於夷狄當用長算邊將當承上旨謹條教或作務非是蓄財

穀完吏農力以俟不宜規小利起事盜恩禁不得妄入

其地益市耕牛鑄鈔鉏斨

詩痔乃錢鑄注田器也鈔大鑷也斨大鋤也

博鈔山監切又所鑑切鉏陟初切又仕菹切斨陟玉切

給農之不能自具者丁

壯興勵

興或作愈

歲增田數十萬畝連八歲五種俱熟公私

有餘販者負入褒斜

梁州記萬石城沂漢上七里有褒谷南口曰褒北口曰斜選右界褒

斜余遮切

船循渭而下首尾相繼不絕十三年公與忠武

軍節度使司空光顏

李光顏

邠寧節度使尚書劍郭俱來

朝上為之燕三殿

唐麟德殿有三殿面故曰三殿

張百戲公卿侍臣咸

與音預既事勅還公因進曰臣幸得宿衛四十餘年或無得字

今年老斥外任斥或作許或作訴不勝慕戀願得死輦下天子

加慰遣焉還鎮告疾其夏五月戊子薨年五十五訃至

上悼愴罷朝遣郎中臨弔贈尚書左僕射以其年十一

月景申丙申作景避唐諱也葬萬年鳳棲原萬年下或有縣字夫人博陵

郡崔氏河陽尉鎬之孫大理評事可觀之女賢有法度

賢下或有而字公有四子長曰元孫三原尉次曰元質彭之濛

陽尉曰元立興平尉曰元本河南參軍皆愿敏好善元

立元本皆崔氏出葬得日嗣子元立與其昆弟四人請  
銘於韓氏曰先人嘗有託於夫子也愈曰太傳功在史

氏記僕射以孤童囚羈京師

或無記字童下或有子字  
今按翟方進傳無者為

是卒能以忠為節自顯取爵位立名績使天下拭目觀

父母與榮焉既忠又孝法宜銘

或無法字銘曰

太傳之顯自其躬興僕射童羈孰與之朋遭國之難以  
節自發致其勤艱以復考烈孝由忠立爵名隨之銘此  
玄石維昧之詒

唐故中散大夫少府監胡良公墓神道碑

此篇从方

氏石本疑者別出

蜀本注牛僧儒撰墓志

陳鴻撰謚張籍撰行狀歐陽公集古錄有胡

良公碑跋云良者韓之門人張籍妻父也

今按方本無中散大夫良五字又它神道碑

不著墓字唯此

有之亦變例也

少府監胡公者諱珣字潤博年七十九以官卒明年八

月十四日葬京兆奉先

八月或作七月無十四日字

夫人天水趙氏

祔焉其子逞迺巡遇述遷造

或無通字或無巡字

與公婿廣文博

士吳郡張籍以公之族出行治歷官壽年為書

出下或有處文

二字使人自京師南走八千里至閩南兩越之界上請非是

為公銘刻之墓碑於潮州刺史韓愈曰胡姓本出安定

後徙清河於今為宗城屬貝州

河下或有複出清河字宗城縣名武德九年屬

貝州大父諱秀武后時以文材徵為麟臺正字

垂拱元年二月改祕

書省為麟臺

父宰臣用進士卒官平陽冀氏令

或無官字

贈潭州

大都督公早孤能自勸學立節概

勸或作勤

非其身力不以

衣食凡一試進士二即吏部選皆以文章占上第樂為

儉勤自刻削不干人以矯時弊及為富平尉一時稱其



斷決建中四年侍郎趙贊為度支使

建中三年五月以中書舍人趙贊為

戶部侍郎  
度支

薦公為監察御史主餽給渭橋以東軍洗手

奉職不以一錢假人賊平有司考覈群吏多坐貶死

考覈

一作覈考或無  
貶字或無死字

獨公以清苦能檢飭無漏失遷河南倉

曹魏公賈耽以節鎮鄭滑

貞元二年九月以賈耽為鄭滑節度使辟珣佐其府以

公佐觀察事檢校尚書工部員外郎以剛直齟齬不阿

忤權貴除獻陵令

獻陵高祖陵

居陵下七年市置田宅務種

樹為業以自給教授子弟

業下或無以字抗併無以  
自給字子弟或作弟子貞

元十一年吏部大選以公考選人藝學以勞遷奉先令

以治辦遷尚書膳部郎中改坊州刺史州經亂無孔子

廟公至則命築宮造祭器率博士生講讀以時

生下或有徒字

如法以祠人吏聚觀歎息遷舒州刺史州歲大熟麥一

莖數種閭里歌舞之

或無舞字

考功以聞遷尚書駕部郎中

數以事犯尚書李巽

事上或有公字

巽時主鹽鐵事富驕恃勢

以語丞相

丞或作宰

由是退公為鳳翔少尹巽死遷少大理

改少詹事元和十二年朝廷以公年老能自祇力事職

不懈可嘉拜少府監兼知內中尚

百官志少府監從三品掌百工技藝之政

摠中尚左尚右尚

明年以病卒

或無病字非是

公始以進士孤身旅長

安致官九卿為大家七子皆有學守女嫁名人年幾八

十堅悍不衰事可傳載可謂成德

謂或作為非是

銘曰

竭竭胡公

竭切 竭丘

既果以方挾藝射科每發如望

平聲

求於人我已為之自始訖終不降色辭因官立事隨有

可載發跡餽軍

或作運

遭讒府界去居陵下為吏為隱坊

舒之政于茲有靳

或作歎

守官駕部名昇已屈

已或作升或作民

躋于少府甚宜秩物不配其有君子恥之少府古卿公  
優止之刻文碑石以顯公行維公後人維公或作維彼無怠嗣  
慶

唐故相權公墓碑

權德輿憲宗朝拜同平章事新舊史有傳所載加詳於誌云

上之元和六年其相曰權公諱德輿字載之

元和五年九月以德

輿同中書門下平章事

其本出自殷帝武丁武丁之子降封於權

權江漢間國也

權故城在南郡當陽縣

周衰入楚為權氏

唐韻云權始出

天水本顓頊之後楚武王使闢繆尹權後因氏焉

楚滅徙秦而居天水略陽符

秦之王中國其臣有安丘公翼者

翼字子良略陽人與太原王讚俱為符堅

謀主堅即偽位拜給事中後為右僕射封安丘公

有大臣之言

堅伐晉翼力諫不從堅遂大敗

後六世至平涼公文誕

翼子宣襄事姚秦為黃門侍郎宣襄四世之孫榮隋開府儀同

三司郎城郡公榮子文誕

為唐上庸太守荊州大都督長史焯有聲

烈

焯或作綽

平涼曾孫諱倓

文誕子崇本匡城令崇本子無待成都尉無待子倓倓音垂

贈尚書禮部郎中以藝學與蘇源明相善

源明京兆武功人初名預

字弱夫肅宗時終祕書少監

卒官羽林軍錄事參軍於公為王父郎

中生贈太子太保諱臯以忠孝致大名

臯字士繇天寶末安祿山為河

欽定四庫全書

東雅堂昌黎集註

卷三十

三

北按察使表臯為從事察祿山有異志詐死奉其母南去及渡江祿山已反由是名聞天下

去官累

以官徵不起

代宗徵臯為起居舍人以疾辭李季卿黜陟江淮奏臯節行改著作郎復不起

追

謚貞孝

大歷二年四月十四日卒於潤州年四十六元和

中謚貞孝是實生公公在

相位三年

元和五年九月相八年五月罷

其後以吏部尚書授節鎮山

南

元和十一年十月以德興檢校吏部尚書充山南西道節度使

年六十以薨贈尚書

左僕射謚文公

元和十三年八月以病乞還卒於道以薨以或作六考舊史當作

公生

三歲知變四音

知或作能

四歲能為詩七歲而貞孝公卒來

弔哭者見其顏色聲容皆相謂擁氏世有其人及長好

學孝敬祥順貞元八年以前江西府監察御史徵拜博

士

貞元初江西觀察使李兼辟德興為判官再遷監察御史府罷八年正月除太常博士

朝士以

得人相慶改左補闕章奏不絕譏排姦倖

貞元八年八月司農大卿

裴延齡以巧詐除戶部侍郎判度支德興上疏論其姦不省

與陽城為助轉起居舍

人

貞元十年四月遷

遂知制誥凡撰命詞九年以類集為五十

卷天下稱其能十八年以中書舍人典貢士拜尚書禮

部侍郎

貞元十七年冬以本官知禮部貢舉十八年真拜禮部侍郎

薦士於公者其

言可信不以其人布衣不用即不可信雖大官勢人交

言一不以綴意奏廣歲所取進士明經在得人不以員

拘轉戶兵吏三曹侍郎太子賓客

貞元二十一年六月轉戶部侍郎元和初

歷兵部吏部侍郎後坐郎吏誤用官缺改太子賓客

復為兵部遷太常卿

元和四年五月

遷天下愈推為鉅人長德時天子以為宰相宜參用道

德人因拜禮部尚書同中書門下平章事

元和五年宰相裴均寢疾

九月德興同平章事

公既謝辭不許其所設張舉措必本於寬大

以幾教化多所助與

或作為或無此一字如後救于頓事之類是也

今按助與非

是維匡調娛不失其正中於和節不為聲章因善與賢



不矜主已

矜或作務

以吏部尚書留守東都

元和八年正月罷相守本官七

月以檢校吏部尚書為東都留守

東方諸帥有利病不能自請者公常

與疏陳不以露布

不以或無不字露布或作布露

復拜太常

元和九年十月除

轉刑部尚書考定新舊令式為三十編舉可長用

或無長字

先是詔許孟容蔣乂等刪定格勅成三十卷表上留中不出德與請下刑部與侍郎劉伯芻代考定復為三十

卷十年十月奏請行用從之

其在山南河南勤于選付治以和簡人

以寧便以疾求還十三年某月甲子道薨于洋之白草

奏至天子痾傷

痾或作痛

為之不御朝郎官致贈錫官居野

處上下弔哭皆曰善人死矣其年某月日

月下或有某字

葬河

南北山在貞孝東五里公由陪屬升列年除歲遷以至

公宰人皆喜聞若已與有無忌嫉者于頓坐子殺人失

位自囚親戚莫敢過門省顧朝莫敢言者

頓音地顧下有者字

朝上或有字

公將留守東都

公下有或有字

為上言曰

下有或有字

頓之

罪既貫不竟宜因賜寬詔上曰然公為善行諭之頓以

不憂死

元和七年正月司空同平章事于頓使其子太常丞敏重賂梁正言求出鎮正言詐漸露敏索

其子太

其賂不得誘其奴支解之棄澗中事覺頓率其子殿中少監孝友等素服詣建福門請罪頓左遷恩王傳仍絕

朝謁敏流雷州孝友等皆貶官八  
年七月德興將留守東都為言之  
前後考第進士及庭

所策試士踵相躡為宰相達官與公相先後其餘布處

臺閣外府凡百餘人自始學至老未病未嘗一日去書

不觀或無未公既以能為文辭擅聲於朝或無多銘鄉

大夫功德然其為家不視簿書視或未嘗問有亡費不

侍餘問下或有其字諸公娶清河崔氏女其父造嘗相

德宗號為名臣德宗貞元元年正月以崔造平章事至

宗既葬其子監察御史璩繫然服喪來有請德興二子

金  
瑶字大玉服喪或  
作喪服或無來字  
乃作銘文或無曰

權在商周世無不存

無或作次

滅楚徙秦嬴劉之閒甘泉始

侯以及安丘詆訶浮屠

待堅嘗遊東苑命沙門道安同輦翼諫曰臣聞天子法駕侍中

陪乘清道而行進止有度道安毀形賤士不宜參攝神輿皇極之扶貞孝之生鳳鳥

不至

或作至世

爵位豈多半塗以稅

以或作已

壽考豈多四十而

逝惟其不有以惠厥後是生相君為朝德首行世祖之

文世師之

祖或作師師或作推或作祖

流連六官

謂吏戶禮兵刑工

出入屏

毗無黨無讎舉世莫疵人所憚為

或作焉

公勇為之其所

競馳公絕不窺

其或作人競作共絕作有  
按作絕乃與上文勇字相應

今孰克知之

克或作先

德將在斯刻詩墓碑以永厥垂

### 平淮西碑

并序 據舊史元和十二年八月宰臣裴度為淮西宣慰處置使兼彰義軍節

度使請公為行軍司馬淮蔡平十二月隨度還朝以功授刑部侍郎仍詔撰平淮西碑其詞多裴度事時先入蔡州擒吳元濟李愬功第一愬不平之愬妻唐安公王也出入禁中因訴碑

辭不實詔令磨公文命段文昌重撰史所載如此原公之意大抵以度能固帝意故諸將不敢首鼠遂能平蔡意多歸功於指蹤者也帝亦重失武臣心故詔文昌然史臣之贊裴度必取公之銘曰凡此蔡功惟斷乃成則世固自有公論也文昌文見姚鉉文粹李商隱有惜韓碑詩長

篇甚美有公之斯文不示後曷與三五相攀追  
之句東坡有臨江驛小詩云淮西功業冠吾唐  
吏部文章日月光千載斷碑人膾炙不知世有  
段文昌則二公之文不待較而明矣陳無已曰  
龍圖孫學士覺喜論文謂退之淮西碑叙如書  
銘如詩又云少游謂元和聖德詩於韓文為下  
與淮西碑如出兩手蓋其少作也李商隱讀  
韓碑詩元和天子神武姿彼何人哉軒與義誓  
將上雪列聖恥坐法宮中朝四夷淮西有賊五  
十載封狼生羆羆生羆不據山河據平地長戈  
利矛日可麾帝得聖相相曰度賊所不死神扶  
持腰懸相印作都統陰風慘淡天王旗愬武古  
通作爪牙儀曹外郎載筆隨行軍司馬智且勇  
十四萬衆猶虎貔入蔡縛賊獻太廟功無與比  
恩不訾帝曰汝度功第一汝從事愈宜為辭愈  
拜稽首蹈且舞金石刻畫臣能為古者世稱大

手筆此事不繫於職司當仁自古有不讓言訖  
屢領天子願公退齊戒坐小閣濡染大筆何淋  
漓點竄堯典舜典字塗改清廟生民詩文成破  
體書在紙清晨再拜鋪丹墀表曰臣愈昧死上  
詠神聖功書之碑碑高三丈字如斗負以靈龜  
蟠以螭句奇語重喻者少讒之天子言其私長  
繩百尺拽碑倒麓砂大石相磨治公之斯文若  
元氣先時已入人肝脾湯盤孔鼎有述作今無  
其器存其辭嗚呼聖皇及聖相相與烜赫流淳  
熙公之斯文不示後曷與三五相攀追願書萬  
本頌萬過口角流沫右手胝傳之七  
十有三代以為封禪玉檢明堂基

天以唐克肖其德聖子神孫繼繼承承於千萬年敬戒  
不急全付所覆四海九州罔有內外悉主悉臣高祖太

宗既除既治高宗中廢休養生息至于玄宗受報收功極熾而豐物衆地大孽牙其間肅宗代宗德祖順考以

勤以容大慝適去稂莠不嫻

詩以薊茶麥奴豆切除田草也

相臣將

臣文恬武嬉習熟見聞以為當然睿聖文武皇帝

下或有陞

下字非是元和三年正月受尊號

既受羣臣朝乃考圖數貢

或無乃字數色阻

切曰嗚呼天既全付予有家今傳次在予予不能事事

其何以見于郊廟羣臣震懾奔走率職

或無奔率二字

明年平

夏

永貞元年八月夏綏銀節度留後李惠琳叛元和元年三月兵馬使張承全討斬之

又明年平



蜀

永貞元年八月劍南節度使韋皋卒行軍司馬劉闢自稱留後元和元年九月東川節度使高崇文擒闢

以獻

蜀下方有西川字云劉闢求都統三川方圍梓州而敗亂固不及他郡也

今按既圍梓州則亂已及

東川矣方又明年平江東

元和二年十月鎮海軍節度使李錡反大將張子良執錡

以又明年平澤潞遂定易定

元和五年十月義成節度使張茂昭以易定二州歸

於有致魏博貝衛澶相

元和七年十月魏博節度使田弘正以所管六州歸于有司澶

澶淵也說文澶淵水在宋

左氏盟于澶淵澶音蟬無不從志皇帝曰不可究武

究或予其少息九年蔡將死蔡人立其子元濟以請不

許元和九年閏八月彰義節度使吳少陽卒其子元濟攝蔡州刺史匿喪以病聞自領軍務表請主兵上不

許遂燒舞陽犯葉襄城

城上或有等字洪云此謂葉與襄城耳等字非是

以動

東都放兵四劫皇帝歷問於朝一二臣外

或作外臣杭苑無外字

今按此句若作外臣則當時朝臣自以伐蔡為不可非獨外臣也若作一二臣則當時舉朝之臣皆以伐蔡為

不可又非獨一二人也考之下文所謂一二臣同不為無助者又正指武元衡裴度一二人贊伐蔡之謀者而

言則此乃謂唯一二臣以為可而其外群臣皆以為不可耳諸本作外臣及無外字皆非是唯作臣外者得之

皆曰蔡帥之不廷授于今五十年帥或作師傳三姓四

將廣德元年七月以李忠臣為淮西節度使也貞元二

十四年三月忠臣為其將李希烈所逐自為節度忠臣希烈少誠少陽是為四將其樹本堅兵

利卒頑不與他等因撫而有順且無事大官臆決唱聲

萬口和附并為一談

并或作併

牢不可破皇帝曰惟天惟祖

宗所以付任予者庶其在此予何敢不力

天上或有夫字非是或無

何况一二臣同不為無助

不上或有固字

曰光顏汝為陳許帥

元和九年十月以陳州刺史李光顏為忠武節度使忠武管陳許二州

維是河東魏博郃

陽三軍之在行者汝皆將之

元和十年正月命宣武等十六道進軍討元濟以光

顏等分掌行營二月命神策軍郃陽鎮遏將索日進以涇原兵六百人會李光顏郃陽左馮翊郃陽縣郃或作

涇非曰重脣汝故有河陽懷今益以汝

元和九年閏八月以河陽節度

使烏重胤為汝州刺史充河陽懷汝節度使徙隸汝州

維是朔方義成陝益鳳翔

延慶七軍之在行者汝皆將之

義成管鄭滑二州陝益即劍南東西川延屬郡

坊丹延節度使慶屬邠寧節度使延慶本或作邠延寧慶

曰洪汝以卒萬二千屬而

子公武往討之

元和十年九月以宣武節度使韓弘為淮西諸軍都統弘請使子公武以兵萬

三千會蔡下歸財與糧以濟諸軍屬下或有集字或在公武下皆非是

曰文通汝守壽

元和

十年二月以左金吾大將軍李文通為壽州團練使

維是宣武淮南宣歙浙西四

軍之行于壽者汝皆將之

西下或有徐泗字四或作五皆非是行上或有在字曰

道古汝其觀察鄂岳

元和十一年以黔州觀察使李道古為鄂岳觀察使曰慙汝

帥唐鄧隨

元和十一年十二月以太子各以其兵進戰

曰度汝長御史其往視師

謂度為御史中丞故云長元和十年五月上遣度詣行營

宣慰察用

曰度惟汝予同

汝下有汝遂相予六月以度

為中書侍郎

以賞罰用命不用命曰弘汝其以節都統

諸軍

節下或有度字諸方作討今按前輩有引左傳

討其軍寔為討軍之證者恐未必然若必作討則

泰之眾刻石自有遂發討師之語而晉官有都督征討

韓弘碑但云都統諸軍則作討者為誤曰守謙汝出入

左右汝惟近臣其往撫師

元和十一年十一月上命知樞密梁守謙宣慰因留監其

軍汝惟或

作惟汝 曰度汝其往衣服飲食予士無寒無飢服飲

字或無服字有飲字或無衣服字寒下或無無字

以既厥事遂生蔡人賜汝節

斧通天御帶衛卒三百

元和十二年八月度赴淮西詔以神策軍三百人衛從賜以屏

帶

凡茲廷臣汝擇自從惟其貲能無憚大吏

元和十二年七月度

以宰相出為淮西宣慰處置使度奏刑部侍郎馬摠為副使右庶子韓愈為行軍司馬判官書記

庚申

予其臨門送汝

度行上御通化門送之

曰御史予閔士夫夫戰甚

苦自今以往非郊廟祠祀其無用樂

或無其字

顏脣武合攻

其北大戰十六得柵城縣二十三降人卒四萬

或無此字謂

降其民與卒也故下語皆不再出人卒字道古攻其東

今按莊子云人卒雖衆公語亦有自也

南八戰降萬三千

降下或有卒字

再入申破其外城

元和十二年道古攻

申州克其外郭

文通戰其東十餘遇降萬二千愬入其西得賊

將輒釋不殺

元和十二年五月淮西騎將李祐率士卒刈麥於張柴村李愬令廂虞候史用誠生

擒以歸待以客禮

用其策戰比有功

比或作皆

十二年八月丞相度

至師

或作帥非是

都統弘責戰益急顏肩武合戰益用命元

濟盡并其衆洄曲以備

四月蔡人董昌齡以郾城降李光顏引兵入據之元濟甚懼時

董重質將騎軍守洄曲元濟悉發親近及守城卒詣重質以拒之洄或作廻

今按洄與史合

十月壬

申翹用所得賊將自文城因天大雪疾馳百二十里用

夜半到蔡破其門取元濟以獻盡得其屬人卒辛巳丞

相度入蔡

度建彰義軍節將降卒萬餘人入城

以皇帝命赦其人淮西平

大饗賚功師還之日因以其食賜蔡人凡蔡卒三萬五

千其不樂為兵願歸為農者十九

或無歸字

悉縱之斬元濟

京師

濟下或有於字十一月丙戌朔御興安門受淮西之俘以元濟徇两市斬之於獨柳樹

冊功

弘加侍中翹為左僕射帥山南東道

制加翹檢校尚書左僕射襄州刺史

充山南東道節度使涼國公

顏肩皆加司空

李光顏烏重胤並檢



校司空光顏封武威公武以散騎常侍帥鄜坊丹

延以宣武軍都虞候韓公武為檢校左散騎常侍鄜州刺史鄜坊丹延節度使道古進

大夫文通加散騎常侍丞相度朝京師進封晉國公或無

字進階金紫光祿大夫以舊官相度歸京師十二月制加彰義軍

節度中光蔡激觀察使充淮西宣慰處置等使朝議大夫門下侍郎平章事燕蔡州刺史蔡州平策

勲進度金紫光祿大夫依前門下侍郎弘文館大學士仍賜上柱國封晉國公食邑三千戶而

以其副摠為工部尚書領蔡任以蔡州留後馬摠檢校工部尚書為

蔡州刺史彭義節度使既還奏羣臣請紀聖功被之金石皇

帝以命臣愈

或無以字

臣愈再拜稽首而獻文曰唐承

天命遂臣萬邦

或作方

孰居近土襲盜以狂往在玄

宗

在方作居云唐人多以在為居公本政亦曰居我其周從是也

今按以在為居亦草書之誤本

政居字已論於本篇方說非是

崇極而圯河北悍驕

安史既平燕趙魏相繼而

起

河南附起

謂汴蔡之屬居河南者

四聖不宥

肅代德順

屢興師

征有不能尅益戍以兵夫耕不食婦織不裳輸之以

車為卒賜糧外多失朝曠不獄狩百隸怠官事亡其

舊

百隸怠官或作百司隸官亡或作忘

帝時繼位

憲宗

顧瞻咨嗟惟汝文

武孰恤予家既斬吳蜀旋取山東

吳蜀或作蜀吳取或作出

魏將首

義六州降從淮蔡不順自以為強提兵叫譴欲事故常

始命討之遂連姦鄰陰遣刺客來賊相臣

元和十年六月宰相武元

衛入朝東平李師道遣刺客暗中突出射之

方戰未利內驚京師群公上言

公或作臣

莫若惠來帝為不聞與神為謀乃相同德

乃或作及非是

以訖天誅乃敕顏肩愬武古通咸統於弘

謂以韓弘為都統各

奏汝功

奏或作走非是

三方分攻

三方即上所言顏肩武攻其北道古攻其東南文通戰其

東五萬其師大軍北乘厥數倍之常兵時曲

元和十年五月光顏

大破賊黨

於時曲軍士蠢蠢既翦陵雲

元和十一年九月光顏奏拔陵雲柵

蔡卒

大窘勝之邵陵

勝或作遂又作翦

郾城來降自夏入秋復屯相

望

入或作及復或作復

兵頓不勵告功不時帝哀征夫命相往釐

士飽而歌馬騰於槽試之新城賊遇敗逃盡抽其有聚

以防我西師躍入道無留者額額蔡城

書罔晝夜額額注肆惡無休息

額與其壘千里

壘或作疆

既入而有莫不順俟帝有恩言相

度來宣誅止其魁釋其下人

釋其或作釋于

蔡之卒夫投甲呼

舞蔡之婦女迎門笑語蔡人告飢船粟往哺蔡人告寒

賜以繒布

賜以或作詔賜非是

始時蔡人禁不往來今相從戲里

門夜開始時蔡人進戰退戮今盱而起左殮右粥

盱或作眠

殮或作餐舊本皆作殮

今按還予投子之祭兮傳云餐祭也史記餐未及下咽酒未及濡脣漢書今其裨將

傳餐則餐字亦有義公祭鄭夫人文念寒為之擇人以衣念飢而餐同以衣對餐也或當作餐

收餘億

收或作牧

選吏賜牛教而不稅蔡人有言始迷不知

今乃大覺羞前之為蔡人有言天子明聖不順族誅順

保性命汝不吾信視此蔡方孰為不順往斧其吭

古郎切

凡叛有數聲勢相倚吾強不支汝弱奚恃其告而長而

父而兄

或作及汝父兄

奔走偕來

或作來偕

同我太平淮蔡為亂天

子伐之既伐而飢天子活之始議伐蔡卿士莫隨既伐

四年大小並疑不赦不疑由天子明凡此蔡功惟斷乃

成既定淮蔡

或作淮蔡既定

四夷畢來

力知切至也還也左氏于思于思棄甲復來

遂開明堂坐以治之

東雅堂昌黎集註卷三十

欽定四庫全書

集部

東雅堂昌黎集註卷三十一  
三

詳校官通政使<sub>臣</sub>夢吉

檢討<sub>臣</sub>何思鈞覆勘

總校官檢討<sub>臣</sub>何思鈞

校對官編修<sub>臣</sub>勵守謙

謄錄監生<sub>臣</sub>呂長生

欽定四庫全書

東雅堂昌黎集註卷三十一

碑誌

南海神廟碑

此碑石刻其首云使持節袁州諸軍事守袁州刺史韓愈撰使持節

循州諸軍事守循州刺史陳諫書并篆額其後云元和十五年十月一日建歐陽公云昌黎集類多訛舛惟南海碑不舛者以石刻人家多有故也石刻與刊本異者今注于下蘇內翰嘗移書揚虔公使遷廟文登因古廟而新之楊不從故蘇詩云退之仙人也游戲於斯文笑談出奇偉哉

舞南海神神或作東



海於天地間為物最鉅自三代聖王莫不祀事考於傳

記而南海神次最貴在北東西三神河伯之上號為祝

融

太公金匱云南海之神曰祝融東海之神曰勾芒北海之神曰顓頊西海之神曰蓐收今按東海神名

阿明南海祝融西海巨乘北海禺强亦見養生雜書然公言南海神次最貴則是據太公書矣天寶中

天子以為古爵莫貴於公侯故海嶽之祝或作祀犧帛之

數放而依之所以致崇極於大神今王亦爵也而禮海

嶽尚循公侯之事虛王儀而不用非致崇極之意也由

是冊尊南海神為廣利王

天寶十載正月封東海廣德王南海廣利王西海廣潤王

北海廣澤祝號祭式與次俱昇或作升武德貞觀之制

王冊詔也郊迎氣日祭之祀官以當界都督刺史充至是封王公

命卿監十三人取三月十七日一時備禮兼冊制祭其

祭儀具因其故廟易而新之在今廣州治之東南海道

開元禮八十里扶胥之口黃木之灣常以立夏氣至命廣州刺

史行事祠下事訖驛聞而刺史常節度五嶺諸軍仍觀

祭其郡邑唐制嶺南為五府而嶺南節度使觀察四府事於南方事無所不統

地大以遠故常選用重人既貴而富且不習海事又當

祀時海常多大風將往皆憂感既進觀顧怖悸故常以

疾為解

或作辭

而委事於其副其來已久故明宮齋廬上

雨旁風無所蓋障牲酒瘠酸取具臨時水陸之品狼藉

籩豆薦裸興俯不中儀式吏滋不供

滋或作茲供从石本作恭誤

神

不顧享盲風怪雨

或謂秘閣本盲作燕字見呂氏春秋考石本只作盲月令盲風至注疾風

也山海經符陽之山多怪雨風雲之所出也

發作無節人蒙其害元和十二

年始詔用前尚書右國子祭酒魯國孔公為廣州刺史

兼御史大夫以殿南服

天寶十二載七月以孔戣為嶺南節度使殿定也詩殿天子之

邦按戣傳先是奉詔禱南海神多令從事代祠戣每受詔自犯風波而往韓愈在潮州作詩以美之傳所謂詩

豈公此作耶公正直方嚴中心樂易祗慎所職治人以

明事神以誠內外單盡不為表襮至州之明年將夏祝

冊自京師至吏以時告公乃齋被視冊誓群有司曰冊

有皇帝名乃上所自署其文曰嗣天子某謹遣官某敬

祭唐制岳瀆以上祝版御署附中使送往其上或有具

然石本無之不欲增也官上某字石本其恭且嚴如是

敢有不承明日吾將宿廟下以供晨事明日吏以風雨

白不聽於是州府文武吏士凡百數交謁更諫皆揖而

退公遜陞舟風雨少弛擢夫奏功雲陰解駁日光穿漏

波伏不興省牲之夕載暘載陰將事之夜天地開除月

星明概

几利切說文稠也選何晏景福殿賦概若幽星之纒連李善音古愛切蜀本作概非是五

鼓既作牽牛正中

月令季春之月旦牽牛中上文言立夏行事正此時也

公乃盛

服執笏以入即事文武賓屬俯首聽位各執其職牲肥

酒香罇爵靜潔降登有數神具醉飽

具或作其海之百靈祕

怪慌惚畢出蜿蜿虵虵來享飲食

慌或作恍虵虵或作蜿或作慕

音駕音延

闔廟旋臚

音盧

祥飈送颿

與帆

旗纛旄麾飛揚晷

萬鏡鼓嘲轟高管噉譟音武夫奮擢工師唱和穹龜長

魚踊躍後先乾端坤倪軒露呈露祀之之歲祀之石本作祝今

按祝當作祀其理甚明或疑誤刻今改从諸本風災熄滅人厭魚蟹五穀胥熟

明年祀歸祀諸本石本皆同方作祝誤又廣廟宮而大之治其庭壇

改作東西兩序齋庖之房百用具脩明年其時公又固

往不懈益虔歲仍大和耄艾歌詠始公之至盡除他名

之稅罷衣食於官之可去者四方之使不以資交以身

為帥燕享有時賞與以節公藏私蓄上下與足於是免

屬州負逋之緡錢廿有四萬米三萬二千斛

廿有四萬或作十有

八萬廿方誤作二十三或作八

賦金之州耗金一歲八百困不能償皆

以弓之

弓一作正

加西南守長之俸

西南或作四面

誅其尤無良不

聽令者由是皆自重慎法人士之落南不能歸者與流

徙之胄百廿八族用其才良而廩其無告者其女子可

嫁與之錢財令無失時

嫁下或有者字石本無方誤也時或作所

刑德並流

方地數千里不識盜賊山行海宿不擇處所事神治人

其可謂備至耳矣

或無其字或無耳字

咸願刻廟石以著厥美而

繫以詩乃作詩曰

南海陰墟

陰或作之

祝融之宅即祀于旁帝命南伯史情不

躬正自今公明用享錫右我家邦

右或作祐

惟明天子惟慎

厥使我公在官神人致喜海嶺之陬既足既濡胡不均

弘俾執事樞公行勿遲公無遽歸匪我私公神人具依

今按此文石本今最易得而方本失考者凡五條然則它云石本者恐亦不能無謬也

處州孔子廟碑

此篇方以石本碑記不載年月日第云朝散大夫國子祭酒賜

紫金魚袋韓愈撰公為祭酒在元和十五年



自天子至郡邑守長通得祀而徧天下者唯社稷與孔

子為然而社祭土稷祭穀

為或作焉然字屬下句而社方無而字句上方有而字皆

非是句龍與弁乃其佐享非其專主又其位所不屋而壇

豈如孔子用王者事巍然當座以門人為配

杜牧云稱夫子之尊

莫如韓吏部蓋公作此碑云社稷不屋而壇孔子用王者事巍然當座以門人為配也張文潛曰廟貌之設起於後世如祭天地亦不屋而壇耳開元二十七年八月追諡孔子文宣王南面而坐以顏子配享

自天

子而下北面跪祭

跪祭或作拜跪薦祭

進退誠敬禮如親弟子者

句龍弁以功孔子以德固自有次第哉自古多有以功

德得其位者不得常祀句龍弃孔子皆不得位而得常

祀然其祀事皆不如孔子之盛不如或作無如所謂生人以來

未有如孔子者人或作民以或作已孔或作夫其賢過於堯舜遠者此

其效歟郡太史曰歐陽公平生尊用韓退之於其學無少異然退之處州孔子廟碑云云永叔作穀城

縣夫子廟記乃云后之人徒見官為立祠而州縣莫不祭之夫子之尊由此為盛甚者乃謂生雖不得位而歿

有所享以為夫子榮謂有德之報雖堯舜莫若何其謬論者歟是歐陽以退之為謬矣雖然韓與歐其尊夫子

之心則一也嚴氏曰孟子之文杜牧之云自古稱夫子者多矣稱夫子之德莫如孟子稱夫子之尊莫如韓吏

部郡邑皆有孔子廟或不能修事雖設博士弟子或役

於有司名存實亡失其所業獨處州刺史鄴侯李繁至

官

繁鄴侯泌之子

能以為先既新作孔子廟又令工改為顏子

至子夏十人像

令或作命顏子或作顏回

其餘六十子

子上或有二字

及後

大儒公羊高左丘明孟軻荀況伏生毛公韓生董生高

堂生揚雄鄭玄等數十人

貞觀二十一年詔左丘明公羊高毛萇鄭玄伏勝高堂生

等二十二人春秋行釋奠之禮而無孟軻荀況韓生董生揚雄等伏生即伏勝毛公即毛萇韓生名嬰董生名

仲舒高堂生能言禮見漢儒林傳

皆圖之壁選博士弟子必皆其人又

為置講堂

又為字或在其中字下置或作設

教之行禮肄習其中置本

錢廩米令可繼處以守廟成躬率吏及博士弟子入學

行釋菜禮

菜或作奠歐陽曰釋奠菜祭之略者也古者士之見師以菜為摯故始入學者必釋菜以

禮其先師其學官四時之祭乃皆釋菜釋奠有樂無尸而釋菜無樂則又其略也耆老歎嗟其

子弟皆興於學鄴侯尚文其於古記無不貫達故其為

政知所先後可歌也已乃作詩曰

惟此廟學鄴侯所作厥初庠下

庠音卑又音婢

神不以宇生

師所處

生或作先

亦窘寒暑乃新斯宮神降其獻講讀有常

不誠用勸揭揭元哲

揭居謁切又音傑又音竭

有師之尊羣聖嚴

嚴大法以存像圖孔肖咸在斯堂以瞻以儀俾不惑忘

感或作或後之君子無廢成美琢詞碑石以贊攸始

柳州羅池廟碑

此篇方从石本羅池神子厚也其碑石本首云尚書吏部侍郎賜紫

金魚袋韓愈撰中書舍人史館修撰賜紫金魚袋沈傳師書其後云朝議郎桂管觀察使試太常寺協律郎上柱國陳曾篆額長慶元年正月十一日桂管都防禦先鋒兵馬使朝散大夫試左衛長史孫季雄建立歐陽集古錄羅池碑後題云長慶元年正月建按穆宗實錄長慶二年二月傳師為中書舍人史館修撰九月愈遷吏部時愈未為吏部沈亦未為舍人當是長慶二年則二君官正與此碑同其書元年正月蓋傳模者誤按舊史公傳云南人妄以柳宗元為羅

池神而愈撰碑以寔以蓋以是罪公而新史書其事於子厚傳無所褒貶元祐七年六月詔賜唐柳州刺史羅池神廟為靈文之廟以郡人言其雨暘應祈故也田表聖書其碑陰云子厚終於柳州以精多魄強為羅池之神昌黎叙其事而銘之大意謂子厚宏深之量昭明之識當為星辰為岳瀆胡為在柳州之陋為神其所以推尊甚大石敏若此世以公此文為語怪非也士有抱負不克施遭流落以死為明神烈鬼巍巍廟食理也李衛公竄海上死矣其精魄凜然尚能使犬鼠餘黨破膽於夢中不然退之豈矯誣柳州以求異乎晁氏曰此非銘羅池神之文弔宗元之文也

羅池廟者故刺史柳侯廟也柳侯為州

元和十年三月  
永州司馬柳

宗元為柳  
州刺史

不鄙夷其民動以禮法三年民各自矜奮

或下

有曰字

今按宜有曰字然石本無之不欲補也

茲土雖遠京師吾等亦天氓

今天幸惠仁侯若不化服我則非人於是老少相教語

莫違侯令凡有所為於其鄉閭及於其家皆曰吾侯聞

之得無不可於意否莫不忖度而後從事凡今之期民

勸趨之無有後先必以其時於是民業有經公無負租

流通四歸樂生與事宅有新屋步有新船

步或作涉柳子厚鐵爐步

志曰江之游凡舟可泊而上下曰

池園潔脩豬牛鴨雞

步

今按孔戣志亦有泊步字

肥大蕃息子嚴父詔婦順夫指嫁娶葬送各有條法出  
相弟長入相慈孝先時民貧以男女相質久不得贖盡  
沒為隸我侯之至按國之故以傭除本悉奪歸之大修  
孔子廟城郭巷道皆治使端正巷道或作道巷樹以名木柳民  
既皆悅喜嘗與其部將魏忠謝寧歐陽翼飲酒驛亭或嘗

作常謂曰吾棄於時而寄於此與若等好也明年吾將死

死而為神後三年為廟祀我及期而死元和十四年三月

年孟秋辛卯長慶三年也侯降于州之後堂歐陽翼等見而



拜之其夕夢翼而告曰館我於羅池其月丙辰廟成大  
祭過客李儀醉酒慢侮堂上得疾扶出廟門即死明年  
春魏忠歐陽翼使謝寧來京師請書其事于石余謂柳  
侯生能澤其民死能驚動福禍之以食其土福禍或作禍福可  
謂靈也已作迎享送神詩遺柳民俾歌以祀焉而并刻  
之柳侯河東人諱宗元字子厚賢而有文章嘗位於朝  
光顯矣已而擯不用其辭曰

荔子丹兮蕉黃

蕉下或有葉字或有子字

雜肴蔬兮進侯堂侯之船

兮兩旗度中流兮風泊之待侯不來兮不知我悲侯乘

駒兮入廟慰我民兮不嘯以笑鵠之山兮柳之水桂樹

團團兮白石齒齒侯朝出游兮暮來歸春與援吟兮秋

鶴與飛

或作秋與鶴飛  
誤沈存中云非也

今按歐公以此句為石本之  
倒用鶴與兩字則語勢愈便

如楚詞云吉日辰良也但此石本團團字初誤刻作團  
圓後鐫改之今尚可見則亦石本不能無誤之一證也

北方之人兮為侯是非千秋萬歲兮侯無我違福我兮

壽我驅厲鬼兮山之左下無苦濕兮高無乾杭稊充羨

兮

杭音庚稊徒  
古切又音土

蛇蛟結蟠我民報事兮無怠其始自

今兮欽于世

黃陵廟碑

此篇方以石本曾子開曰湘水出全瀟水出道二水至永合而為一以入

洞庭黃陵廟在瀟湘之尾洞庭之口孫氏曰廟在潭州之湘陰縣北八十里或云在岳州首題云通議大夫守尚書兵部侍郎上柱國賜紫金魚袋韓愈撰正議大夫守潭州刺史兼御史中丞湖南都團練觀察安撫使上柱國賜紫金魚袋沈傳師書今本多誤據歐陽公集古錄云當以碑為正

湘旁有廟曰黃陵

筆墨間錄云黃陵廟碑首言湘旁即龜策傳言江旁老人也

自前

古以祠堯之二女舜二妃者庭有石碑

石或作古斷裂或無此字

分散在地其文剝缺考圖記言漢荊州牧劉表景升之

立

表字景升東漢末為荊州刺史

題曰湘夫人碑今驗其文乃晉太康

九年又其額曰虞帝二妃之碑非景升立者秦博士對

始皇帝云湘君者堯之二女舜妃者也

事見史記秦始皇廿七

劉

向鄭玄亦皆以二妃為湘君而離騷九謠既有湘君又

有湘夫人王逸之解以為湘君者自其水神而謂湘夫

人乃二妃也從舜南征三苗不及

或作返據下文當作及

道死沅

湘之間山海經曰洞庭之山帝之二女居之郭璞疑二

女者帝舜之后

石本書璞作撲唐人多然下文揭陽亦作揭陽

不當降小水為

其夫人

小水或作小君考山海經作小水是也

因以二女為天帝之女以

余考之璞與王逸俱失也堯之長女娥皇為舜正妃故

曰君其二女女英自宜降曰夫人也故九歌辭謂娥皇

為君謂女英帝子

帝上或有為字

各以其盛者推言之也禮有

小君君母明其正自得稱君也

或無君母二字

書曰舜陟方乃

死傳謂舜昇道南方以死

昇或作升

或又曰舜死葬蒼梧二

妃從之不及溺死沅湘之間余謂竹書紀年

紀年書名晉太康元

年汲郡人發冢得之起夏殷至魏  
哀王以竹簡寫之故謂之竹書

帝王之沒皆曰陟陟

昇也謂昇天也書曰殷禮陟配天言以道終其德協天  
也書紀舜之沒云陟者與竹書周書同文也其下言方  
乃死者所以釋陟為死也地之勢東南下如言舜南巡  
而死宜言下方不得言陟方也以此謂舜死葬蒼梧於  
時二妃從之不及而溺者皆不可信

溺下或有死字

二妃既曰

以謀語舜脫舜之厄成舜之聖堯死而舜有天下為天  
子二妃之力宜常為神食民之祭今之渡湖江者莫敢

不進禮廟下

湖或作潮非是又或作湘

元和十四年春余以言事得

罪黜為潮州刺史其地於漢南海之揭陽

漢地理志南海郡有唐為

潮州揭陽縣至石本揭作揭音竭

厲毒所聚懼不得脫死過廟而禱之

其冬移袁州刺史明年九月拜國子祭酒

元和十四年十月以赦令

量移袁州明年九月自袁州召為國子祭酒

使以私錢十萬抵岳州願易廟

之圯桶腐瓦於刺史王堪

刺史王堪上或有州字

長慶元年刺史

張愉自京師往與愉故善

與上或有余字今按此合有余字然石本無之不欲補

也謂曰丐我一碑石載二妃廟事且令後世知有子名

愉曰諾既至州報曰碑謹具遂篆其事俾刻之

唐故江南西道觀察使中大夫洪州刺史兼御

史中丞上柱國賜紫金魚袋贈左散騎常侍太原

王公神道碑銘

王仲舒為連州司戶公令連之陽山仲舒觀察江西公為袁州刺史

公既為作燕喜亭記修滕王閣記今誌其墓又書神道碑新史並取公碑誌作傳

王氏皆王者之後在太原為姬姓

或無之字周靈王太子晉以直諫廢為庶

人時人號曰王家因以為氏

春秋時王子成父敗狄有功

左氏文十一年鄭瞞

侵齊王子成父獲其弟曰榮如

因賜氏厥後世居太原至東漢隱士烈



烈字彥方博士徵不就居祁縣後漢徵君霸始居太原霸子殷別居祁縣因

號所居鄉為君子下或有鄉字公其君子鄉人也魏晉涉隋

世有名人國朝大王父玄暎古限切歷御史屬三院止尚

書郎三院謂侍御史殿中侍御史監察御史玄暎終比部員外郎生景肅守三郡終

傳涼王生政襄郤等州防禦使鄂州採訪使贈吏部尚

書公尚書之弟某子公諱仲舒字弘中蜀作諱弘中字某後墓志同

今按上句已有公字此不當再出當刪然無別本可據姑存之少孤奉母夫人家江南

讀書著文其譽藹藹當時名公皆折官位輩行下浪切願

為交貞元初射策拜左拾遺

貞元十年十二月仲舒中賢良方正直言極諫科起

拜拾遺

與陽城合遏裴延齡不得為相德宗初怏怏無奈

久而嘉之

或無而字之或作其下又有直字

其後入閣德宗顧列謂宰

相曰第幾人必王某也果然月餘特改右補闕

或無右字遷

禮部考功吏部三員外郎在禮部奏議詳雅省中伏其

能

伏或作服

在考功吏部提約明故吏無以欺同列有特恩

自得者眾皆媚承公嫉其為人不直視

或作人字

由此貶連

州司戶

貞元十九年王叔文用事弘中自吏部員外郎責連州司戶

移夔州司馬又

移荆南因佐其節度事

或無事字

為參謀

為荆南節度裴均參謀

得五

品服放跡在外積四年元和初收拾俊賢徵拜吏部員

外郎未幾為職方郎中知制誥友人得罪斥逐後其家

親知過門縮頸不敢視公獨省問為計度論議直其寃

由是出為峽州刺史

峽或作硤友人楊憑也

轉廬州未至丁母夫

人憂服除又為婺州時疫旱甚人死亡且盡公至多方

救活天遂雨疫定比數年里閭完復制使出巡人填道

迎顯公德

顯或作頌

事具聞就加金紫轉蘇州變其屋居以

絕火延隄松江路害絕阻滯

火上或有其  
字阻或作沮

秋夏賦調自

為書與人以期吏無及門而集政成為天下守之最

或政

作

天子曰王某之文可思最宜為誥有古風豈可久以

吏事役之復拜中書舍人既至京師儕流無在者視同

列皆邈然少年益自悲而謂人曰豈可復治筆硯於其

間哉上若未棄臣宜用所長在外久周知俗之利病

或無

利字  
非是

俾治之當不自愧宰相以聞遂得觀察江南西道

元和十五年六月  
除江西觀察使

奏罷榷酤錢九千萬

千或  
作十

軍息之無

已掌吏壞產猶不釋囚之公至脫械不問人遭水旱賦

窘公曰我且減燕樂絕他用錢可足乎遂以代之

或無足字

代下無之字

罷軍之息錢

息上或有日字

禁浮屠誑誘壞其舍以葺

公宇三年法大成錢餘於庫粟餘廩

廩上或有於字

人享於田

廬謳謠於道逢天子復思且徵以代虛吏部左丞位以

待之長慶三年十一月十七日薨於洪州年六十二上

哀慟輟朝贈左散騎常侍某日歸葬於某處

長慶四年二月葬河

南墓下或無於字

某既以公之德刻而藏之墓矣子初又請詩

以揭之

仲舒七子初哲貞弘泰復洵  
既上或無某字某或作愈

詞曰

生人之治本乎斯文有事其末而忘其源切近昧陋道

由是堙有志其本而泥古陳當用而迂乖戾不伸較是

二者其過也均有美王公志儒之本達士之經秩秩而

積涵涵而停韓為華英

韓為諸本作韓  
而華英作英華

不矜不盈孰播

其馨孰發其明介然而居士友以傾敷文帝階擢列侍

從以忠遠名有直有諷辨過堅懇

或作  
聖邀

巨邪不用秀出

班行乃動帝自帝省竭心恩顧日渥翔于郎署騫于禁

密發帝之令簡古而蔚不比于權以直友寬敲撼挫握

竟遭斥奔久淹于外歷守大藩所至極思必悉利病萎

枯以膏燠暘以醒

暘或作暘

坦之敞之必絕其徑浚之澄之

使安其泳帝思其文復命掌誥公潛謂人此職宜少豈

無凋郡庸以自效上藉其實

藉或作籍

俾統于洪逋滯攸除

姦訛革風祛蔽于目釋負于躬方乎所部

乎或作平

禁絕浮

屠風雨順易秔稻盈疇人得其所乃恬乃謳

所或作詠謳或作謠

化成有代思以息勞虛位而瑛奄忽滔滔

奄忽或作勿隨

維德

維績志于斯石日遠彌高

方云此銘有美王公不用韻末章三語分兩韻例又異也

今按銘之卒章績石二句雖自叶韻而末句高字仍與勞泊韻叶非有異也



東雅堂昌黎集註卷三十一